

ضمني لصدرك- وفاة الإمام الحسن (ع) -2012/12/18- يوسف يعقوب المعاميري

همي وهمك واحد خويه يا بعد الروح
وربي وحده الشاهد غلبي شكتر مجروح
حانت ساعات البين ضمنى لصدرك يحسين

بين امي جمر السم في غلبي مردني
مسموم وأتلووى والله انهد ركني
وهذا اللي جرى اعليّ باچر مثله اتشوف
متمرر من الغربه وحاير بررض لطفوف

مطروح اعلى التريان ودمك يجري غدران
لا ناصر ولا معين ضمنى لصدرك يحسين

خانت أهل الكوفه بلا ذمه ولا احساس
وكل خوفي يا خويه تشرب من نفس الكاس
منعنوني أخطب فيهم وسلبوا حتى مصلاي
بررض الغربه تركوني وحدي بلايا حمائي

ويوم (المداين) صار في غلبي جمرة نار
وصار الجرح جرحين ضمنى لصدرك يحسين

ياخويه ابها الدنيا ياهو يحمل صبري
جور ومحنه والآم يتكضى كل عمري
لكن يومك ياخويه مثله لا جرى وصار
تنظر اهلك بالحومه متغفرة بالأوعار

وانته اعليهم اتدور غلبك دامى وموجور
تهمل دمعات العين ضمنى لصدرك يحسين

ضمني لصدرك- وفاة الإمام الحسن (ع) -2012/12/18- يوسف يعقوب المعاميري

همي وهمك واحد خويه يابعد الروح
وربي وحده الشاهد كلبني شكتر مجروح
حانت ساعات البين ضمنى لصدرك يحسين

كرب ياخويه الساع خليني أضمك
خل اشمك خويه في نحرك وصدرك

چني ياخويه أنظر صدرك ترضه الخيل
متعفر فوگ الرمضا والدم من نحرك سيل

راسك عالي بلسان وعينك تربى الصيوان
واهلك فرت صوبين ضمنى لصدرك يحسين

هذا اوليدي الجاسم لجلك خويه مذخور
معرس تزفه اسيوف ويتحنى بدم أنحور

هذا وليدي لك فدوه ياروح البتولـه
ينهض بيوم النخوه والصارم يشيله

تاج الشهادة ينال موته موت الأبطال
ينصر بدمه الدين ضمنى لصدرك يحسين

هالله هالله خويه بالحورة العقيله
لا تصبح من بعدي مأسورة وذليله

چني أنظرها حسره من فوگ المطيه
محتارة وتجري العبره ومرتاعه وسببه

بالكوفه وبرض الشام محتاره بالأيتام
تستر بالأيدين ضمنى لصدرك يحسين
